

tertiū septimam codices alii totam oratione metrica compositam exhibent, alii partim versiculis, partim pedestri dicendi genere descriptam.

Superest, ut Christiano Lassenio, veterum litterarum Indicarum Persicarumque instauratori praestantissimo, meritissimo, pro suo in me studio gratias debitas persolvam. Pantschatantri edendi officium ut susceperem, comiter me hortatus est, adiumento in hac re se mihi futurum esse pollicitus, dimidiaque fere huius libri parti priori, quum Bonnae formis exprimeretur, perlustrandae et corrigendae operam navavit. Quam curam parti posteriori quo minus impenderet, quum valetudo incommodior eum impediverit, ut iam in dies magis convalescat, pristinumque vigorem omnino recuperet, ex animo precor. Denique lectores, ut, quae dederim bona, animo benevolo accipiant, quae posuerim mala, indulgenter emendent, oro rogoque. Quae a typothetis peccata sunt, in commentario critico corrigentur, quum plagulas typis expressas nondum viderim omnes. Dabam Gripesvol-diae cal. octobr. anni mdcccxlvii.

**Io. Godofr. Lud. Kosegarten.**